

連江縣志

序

嘗攷東漢南陽撰記風俗自是迺各爲書而天下郡邑於是乎有志志者史之餘也昔周之時閭胥族師黨正之屬皆得以所書登之於王咸隸於史史弗修則一代之禮樂文章無以表見邑無志則無以審舊制而識賢黜鉅細殊而輕重相等連江建自晉太康間歷時已久邑志之修僅於宋得陶君武於元得李君榮豈乏文雅絢飾吏治哉田賦訟牒期會之紛常足以耗其精而又調遷不時瓜期旋代欲有所興舉輒未遑以去至若邑有魁傑能文之士網

連江縣志

卷之首

序

一

羅散軼志在明述獨於臧否之間顧瞻桑梓未敢徑行其胸臆卒無有奮筆而潰於成者上下交相待而遙遙者竟無其期夫魯史起隱迄哀二百四十二年而已其載筆者又未始無人也乃以人則君尹殊傳以時則夏五不月以爵則子伯乖稱他若文字雕磨豕魚訛謬尤非一而足今連雖褊小自元之後復三百餘年其間沿革廢興盛衰得失與時遞易亦積久漸多而不獲成書可考間嘗質以一二事則已各保所見人自爲辭不勝參互而後得之其在今者乃如此使過此更數十年必有甚焉者卽又何以存

文獻爲來者折衷哉敬承乏六載幸值我

國家久道化成 諸大憲釐綱剔目得以淺薄濫厠笙竽
吏民亦安敬之拙而日以無事也吏牘之暇商榷斯舉邑
博永定王君司訓同安陳君咸有同志聞邑之前哲私有
紀載因廣爲搜索延歸化學博孫君等考求別擇散者貫
之舛者正之畧者詳之其核定是非斟酌繁簡間叅以末
議都爲一編自星土風物國賦邦教下及民情皆燦然具
列用補前此之缺畧而連之文獻亦藉是以存夫非敬之
敢自以爲功也萬物之數鬱極而通今連自有其明備而

連江縣志

卷之首

序

二

湮鬱沈晦至三百餘年之久適際乎

昌明之會而一發之理有固然特因而不與違焉爾然由
是而舊制聿彰賢黜不泯豈惟後之蒞茲土者得於此考
鏡而輜軒旁採下及海邦可以覽此一方之俗是則敬以
窮年之勤與諸君相爲紬繹得比古之間胥族黨所書藉
手以陳於史氏其亦幸告無罪也夫乾隆五年十月邑令

清溪戚

敬言

謹序

序

連江控三山東北於省會密邇其文物之茂稱望邑焉余以歲之甲寅董教事其地日進諸生而講肄之已而備知政俗與其鄉先正之盛德大業因竊嘆此邦之風淳美而人傑出也越二年考建治以來諸科目臚名氏而匾於堂余曰是必以志徵問之則志乘之闕久矣夫文者事之所以存也國之典章具乎史邑之故實備乎志非惟大端欲舉而小節亦不可遺非惟前憲是傳而時務亦無容畧庶乎後之人得所考而知嘗與 司訓陳淑齋先生念所以

連江縣志

卷之首

序

三

修舉之而力未逮 邑侯德清戚公經世宏才蒞連以來政勤事治旣濬河復隄湖五年而諸務就理遂以修志爲任屬余遴諸生中之可分司其事者受裁於邑紳 孫先生而於已總其成余欣然以爲愜所志爰與陳先生黽勉贊襄其間起己未之夏迄庚申秋書成而授之梓蓋精審詳明連之政俗及其鄉之德業可見者莫不昭乎載筆於以樂 公之賢事皆舉此邦數百年所未舉而重以爲連人幸也抑不止此昔南豐曾氏宜黃學記謂學之中當使天地事物之變古今治亂之理至於損益廢興先後始終

之要無所不知今連志所備具近在一邑而天下卽此推之也學者三覆於此則所謂不越堂戶而得乎四海九州之遠古今時事之移出可見於施爲者未必不於此而得况其先正之盛德大業又皆有以予之資哉然則余旣爲連幸百廢之皆興而因公之力將所藉以成此教事者其尤不爲淺鮮也已乾隆五年十月舉人署教諭事王子鑑謹序

序

古者列國各以政俗爲風太史以時採其謠頌而獻之天子夫子敘詩首列國風是已後世里歌不升於廟堂而都會郡邑於是有志亦古者陳風之遺雖制統於一尊而質文遞易五方之風氣可考而知也連江居會城東北俗樸茂而戶詩書稱文物之藪余忝爲邑司訓喜與其地諸生上下其議論間嘗登雲居玉樓諸勝觀日所出洪波無際島嶼如髮又嘗登近郭名山見雲氣出沒中萬家烟藹若無而有江流白練繚繞天外覽其山川之奇其嶽降鍾靈

連江縣志

卷之首

序

五

將爲玉樹琪枝丹葩瑶草非人間所恒有退求其邑志而舊板無存卽前此有留心紀載者各藏於家又不獲目覩俯仰太息者久之 邑侯戚公以茗水名進士出宰茲邑撫循士民日以和輯然後濬河渠修湖隄以次舉行不倦於勤又念一縣之文獻繫乎志毅然以纂修爲己任乃搜括遺書取故家中所手錄藏本相印証與司鐸 王先生共商確亦以謬徵予得贊末議族收駢錄補其偏正其訛邑紳孫先生爲之釐定詮次諸生中有分閱者校對者以飲佐之竭經歲精神始得書成付梓余愧謏劣無能爲役

然樂公之志有成且有以見山川靈異所都其中所包含
孕畜者厚也夫連之縣志自元至今殘缺三百有餘年矣
其間事蹟湮沒不傳者何限一旦微顯闡幽昭若燭鏡猶
之籠珊瑚於鐵網躍寶劍於豐城似有數存焉而不可以
遏闕者

聖朝大化翔洽漸於海嶠連邑久已喁喁向風復得是志
後之覽者景行前徽博洽物情來秀超乘而前符采彪郁
蔚然皆華國之選矣豈不盛哉 公吏治業有成績不時
內擢銓衡若履承明著作之庭出是志以相質中有可採

連江縣志

卷之首

序

六

擇者史臣珥筆而書之亦足以潤色太平則是志也寧第
爲一邑風俗之書也歟乾隆五年十月連江縣儒學訓導
陳鵬南謹識

凡例

郡邑志書至李元仲寧化縣志而體一變蓋倣孟堅十志而爲之者也乃其義例之謹嚴典文之該貫亦遂以史家能事經緯出之故近世士大夫多稱善焉此書之體一循李志非敢襲也主善爲師無取其陳陳者而已

昔班氏十志原於司馬八書蓋有全用史記之文無所更易者不寧惟是卽史記之紀傳亦多採掇詩書及左國戰國策全文以成篇其事理固爾無可易也此書旣循李志凡備述法言條列舊典亦皆與爲比附其間山川風俗田

連江縣志

卷之首

凡例

一

畝水利戶口廟學選舉官師人物則有險易淳漓廣狹贏縮盈虛修廢進退善否盛衰之殊卽旁及雜事莫不各爲記載譬若均此賦形體膚爪髮一而已其各有面目各有精神殆必不可強而同者

舊志於氣候中列占候一目可爲戒農興甿之助然協風至而終畝震雷出而備墾候氣應數古訓具陳不惟爲今之天下同然也似非專爲連志故可無存至風潮二候審趨避之宜於海人不無特利雖事涉纖俗宜不得遺設險利守謂之形勝借景抒情第類風物今備列地險自

有民兵一志若林巒秀峙流泉映帶觴詠可資此旣於山川中婉約傳之然不可以形勝名也故不復更列此目其前此題詠諸作爲採尤雅者附之山川

連水利以東湖爲大北野數萬畝資之而覬以爲田者輒踵而起非代有賢侯與任事諸君子幾沒先民遺澤故愛利弗諉則衆有紀功之作勤勞誠著亦自爲序績之文事皆有據而簡不勝繁不知此爲志乘記載方多非水利專書也其事具詳功績昭然不掩屬在頌贊酌存一二不敢悉登

連江縣志

卷之首

凡例

二

通志全閩之書也於連地載先儒劉礪墓謂是生長樂而其葬則在連焉爾若連志則必姓名旣詳事蹟可考後及其墓未有來歷無聞獨以墓書者故特闕之且不敢使人疑先生於連也鄭昭先則曷書乎爾有後者存其於連非無所屬者耳

寧化志所載土產其故實及諸物性多從本草採掇然本草自有成書何須復入縣志今悉去其繁惟藥部係於人生不可不明其性是用依據條析旁及主治他則賦物之句一一存之尤多所擷攬增其未備亦庶幾事俗文雅稍

別於兔園冊子云

舊志於人物諸傳載筆多誤如記鄭自明諫擊毬一節以爲補太學生時事今閱其疏稿有臣蒙被深恩益遠天顏竊惟事君之義內外無間等語如其初補太學生則深恩益遠及內外等字皆無所屬考公由太學生試館職歷仕在內至忤韓侂胄後始外補台州則此爲出知台州時事無疑也敘常方叔官階由太學錄累遷至禮部尚書卽敘爭董宋臣事於進帝學發明之下是以所上三疏皆爲大宗伯時矣今閱疏稿一曰臣職兼掖垣二曰臣一介書生

連江縣志

卷之首

凡例

三

濫兼詞掖三曰在東臺猶西掖臣何敢二其心夫西掖右垣中書也東臺給事中也此皆制勅所司故有繳還勅黃之事所言實於宗伯無涉且既有此疏何得畧中書給事二官不書乎此二傳特爲移置前後謬有增註其他傳或援据宋史以及家傳亦多所酌定所與舊本參差蓋有由耳

父子異傳兄弟分載作史者所譏然志與史有不得而同者史可從畧志則求詳也今以數代之人各有事業欲總之於一傳非累疊不能運掉必詳此畧彼掛一漏十仍當

循其舊例人各爲志有善必彰無功不錄聊備具史料俟他日作者裁焉

人不生於連居於連有可述則書書以賢也義也人既去於連始於連有可傳則書書以故也亦義也若未繫於籍以子孫所在而追書其祖父是於義無取夫人之在上世者多矣胡公季札寢邱關西世家列傳自有作者茲書宜未暇及

藝文不別立目其奏疏序述有係其人者卽於本傳入之先所自著而名公一二鴻博之篇可與傳疏通證明者時

連江縣志

卷之首

凡例

四

附註而綴於後使人覽傳得其性行志業而所爲文具在又於旁據見其詳則一披卷洞然無煩更爲翻索且亦前史之例也

列女傳之作始劉子政所書者不一行也故後之作女史者多爲之目其在儒婦名母才女賢妻皆所具載今使以此例爲志書則連之懿徽常有不能悉紀且此非若節烈之顯然可據也毋寧慎之耳惟節烈中間亦有如所云者則視節婦烈婦節女烈女例稍別爲類使人得以考漢以下諸儒之崇祀代有升降至

本朝先後釐正始歸畫一茲所志咸遵 今禮有既廢而復者有自下以升祀者悉秩位次而書之又 崇聖之祀制以 今時而備敬禮之隆邁越前古故前無專志於此特致其詳

關堡臺寨已附見城池志中復於民兵志詳之者有兵則當使知所守也時雖平量地置防用戒不虞此當事所當加意也且城池中溯其建造斯志列其險要義各有屬宜不相妨

災異之書史乘不廢九潦七旱拱桑雉賢聖之君時見連江縣志 凡例 五

其事正以資修省耳爰得循而備書雖紀事求詳然亦頗遵史法節去繁冗第期不失其實而已

閩語多訛遂以土音命字爲六書中所無者如以風之大爲颶爲颶地之曠爲埕樹爲模至於**吨**堦等字皆不經見信手謬書相習不察今悉爲之更定又礁字亦不見韻書但元貢師泰海歌以此字與敲字叶韻是已見前詩故姑仍之其蟲魚部字多俚俗仍謹據康熙字典中一一校正庶幾言可成文無哂於大雅

重修連江縣志

總修

知

縣戚敬言

舉人

署

教

諭

事王子鑑

訓

導陳鵬南

總輯

舉人原署汀州府歸化縣教諭孫發曾

參閱

原任福寧府福安縣教諭黃家權

連江縣志

卷之首

姓氏

一

分輯

貢

生孫澄

貢

生吳如皋

舉

人林鴻

貢

生吳鵬舉

廩

生鄭昕

增

生陳元壯

廩

生趙季植

增

生周夢采

增

生陳鳳舉

校對

增

生周朝宗

生

員鄭宗沆

增

生孫崑登

生

員陳作霖

生

員孫詔

生

員陳朝選

廩

生楊方壽

連江縣志

卷之首

姓氏


二

廩

生章春泰

生

員熊蔚起




連江縣志

卷之首

總圖

一一






連江縣志

卷之首

城圖






連江縣志

卷之首

學圖

四





連江縣志目錄

土地部 目十七

卷一

建置

分野

氣候 上

氣候 下 風候 潮候

風俗 上

風俗 下 歲時

連江縣志

卷之首

目錄

一

山川 上

山川 下

疆界 上

疆界 下 里圖

卷二

城池

公署

田畝

津梁

卷三

水利
上

水利
下

郵置

坊表

古蹟

寺觀

卷四

宅墓

連江縣志

卷之首

目錄

一一

物產

人民部
目十六

卷五

官師

官師題名

名宦

戶口

卷六

選舉

科目題名

卷七

人物 分十目

先憲

文苑

卷八

逸行

藝文

鄉行

連江縣志

卷之首

目錄

三

寓賢

大年

方技

外教

列女 上

卷九

列女 下

政事部 目二十二

卷十

賦貢

歲役

條鞭款目

度支

卷十一

禮儀

廟學

學田

文廟歷代崇祀

連江縣志

卷之首

目錄

四

卷十二

諸儒歷代崇祀

崇聖祀

聖賢位號

附廟祀常儀

名宦祀

鄉賢祀

祭器

書籍

書院

壇壝廟祠

卷十三

民兵

惠政

匠班

寺租

雜事_上 災異

雜事_中 寇變

雜事_下 叢談

連江縣志

卷之首

目錄

五